



Preschentaziuns libras

Per l'emprima giada han lieu era preschentaziuns libras senza valitaziun en in local spezial a la Festa federala da jodladers. Questas preschentaziuns èn ina plattforma per represchentaziuns spezialas u experimentalas. Las preschentaziuns ed ils concerts vegnan inditgads en il guid da festa ed annunziads en il local.



Las pli impurtantas directivas da la categoria «preschentaziuns libras» èn:

Persunas interessadas per la categoria «preschentaziuns libras» s'anunzian tar il secretariat da la Festa federala da jodladers Tavau 2014, Museumstrasse 16, 7260 Tavau Vitg (info@jodlerfest-davos.ch) cun in formular spezial. Quel pon ins empustar là u telechargiar da la homepage www.jodlerfest-davos.ch. Il formular vegn tramess sulettamain ad in'addressa svizra.

Commembers da l'Associaziun federala da jodladers (era betg qualifitgads) pon dar in concert. Persunas che n'èn betg commembras, pon vegnir envidadas dad in commember, da l'Associaziun senza u dal CO.

Tut las persunas che dattan in concert possedan ina carta da festa.

Persunas cun ina carta da festa A (commembers da la gruppa), B (furmaziuns) u C (juniors) han il dretg da sa preschentar. Tut ils auters pon cumparar ina carta da festa D (preschentaziuns libras) dad 80 francs.

Tut ils instruments d'accompagnament acustics senza amplificaziun electronica èn admiss. Il CO na metta a disposiziun nagins instruments.

L'arranschament dals concerts fa il president dals jodladers. Sch'i fa balsegn consultescha el ils presidents dals sunatibas resp. dals bittabandieras.

Ulteriuras infurmaziuns chatt'ins sin www.jodlerfest-davos.ch.

Il CO Tavau e l'AC da l'Associaziun federala da jodladers sa legran sin bleras preschentaziuns particularas sin la tribuna speziala.

Newsletter

La Festa federala da jodladers Tavau 2014 è adina preschenta

Suenter ch'il CO ha visità las festas da las sutassociaziuns da jodladers la stad è el en viadi era l'enviern proxim. Dacurt è el sa preschentà a l'inauguraziun da la staziun da Tavau Plaz. Dapi là beneventa il logo da la Festa federala da jodladers Tavau 2014 tut las persunas che arrivaran a Tavau e quai en furma d'in grondischem chapè. Era durant il cup mundial da passlung (Davos Nordic) entamez in public che s'interessescha plitost per il sport vegni rendi attent a la festa da jodladers singulara en las muntognas grischunas.

Artitgels da merchandising/souvenirs

Sin www.jodlerfest-davos.ch stat a disposiziun in shop online per ils artitgels da buna qualitat da la Festa federala da jodladers Tavau 2014. Nizzegiai la pussaivladad da renviar en l'entira Svizra a la festa dals jodladers, dals sunatibas e dals bittabandieras ed As legrai dal bellischem logo classic ed artistic per la Festa federala da jodladers Tavau 2014.

Viadi a Tavau

Per ils commembers activs è il bigliet da tren per ir a Tavau e turnar da Tavau inclus en la carta da festa. Las gruppas annunziadas vegnan contactadas a partir da la mitad d'avrigl per inditgar ils giavischs da viadi e per planisar ils trens necessaris.

Er a visitaders vegn recumandà da far il viadi cun ils meds da transport publics. La capacitat da quels vegn augmentada conform a l'occurrentza. En il Landwassertal magnific stattan a disposiziun mo paucas pussaivladads da parcar.

